

Misigissutsinnik nuanniitsunik aqutsisinnaalerit

1 MISIGISSUTSIT SUUSSUSERSIGUK

Misigissuseq sorleq aqukkuminaatsinnerpaaviuk?


☐

KAMANNEQ

☐

SINNGANEQ

☐

NARRASSIMAARNEQ


☐


ANILAANGANEQ

☐

SIOORANEQ

☐

ISUMAKULUNNEQ


☐

NIKALLUNGANEQ

☐

ISUMALLUANNGINNEQ

☐

ALIASUNNEQ


☐

ALLAT:

2 PISSUTAASOQ PAASINIARUK


Misigissuseq suussusersisat pissutsini qanoq ittuni aqukkuminaatsinnerussasoraajuk?

“Misigissutsikka aqukkumallugit eqqarsarluar-niarsarisarpunga. Soorlu ima imminut aperi-sarpunga: ‘Maannakkorpiaq qanoq misigivu-nga? Sooq taamatut misigivunga? Taamatut misiginera pissusissamisoorpa? Ingasattajaar-punga? Pissutsit *ilumut* taama ingasatsigip-pat? Allat uattulli qisuariartuuppata qanoq isu-maqarfigissagaluarpakka? Jehovap sunissara kissaatigaa?’ Imminut taamatut eqqarsalersin-niartarnera misigissutsinnik aqutsinissannut iluaqutigisarpara.” – Olivia.

3 PERIAATSIT ALLANNGORTIGUK

Taamatut misigininnik aqukkuminaatsitsisimanerit allaatigiuk.

Pisimasumut qulaani allaatigisannut tunngatillugu allatut qanoq iliorsimasinnaavit?



KAMATSILLUNI, SINNGATILLUNI NARRASSIMAARTILLUNILUUNNIIT

- ☐ **Ussatit 14:29** “Kamajaatsuusoq silassorissusermik angisuumik pigisaqarpoq, kamajassuseq sianiitsuliornerit annersaraat.”
- ☐ **Ussatit 29:11** “Sianiitsup kamannini tamatigut anittarpaa, ilisimasulli nunusinnaasarpaa.”
- ☐ **Ussatit 29:22** “Kamajasup isumaqatigiinneq pilersitarpaa, angut puffajasoq akulikitsumik unioqqutitsisarpoq.”
- ☐ **Efesosimiut 4:31, 32** “Narutsatsitsinerit, puffajanerit, kamannerit, nipiliornerit mitalliinerillu, tassami ajorsutsit suulluunniit, eqqaasassanngilasiluunniit. Immissinnulli ajunngitsuliorfigigitsi nallittuilusilu, isumakkeerfigeqatigiit-taritsilu soorlu Guutip Kristusimi isumakkeerfigigaasi.”
- ☐ **Jaaku 1:19, 20** “Kinaluunniit tusarasuuartarli, kisianni oqalukkumaartaatuulluni kamajaatsuullunilu, inuummi kamannera Guutip iluarisaa-nik sumilluunniit kinguneqar-neq ajorpoq.”



ANNILAANGATILLUNI, SIOORATILLUNI ISUMAKULUTSILLUNILUUNNIIT

- ☐ **Esaja 41:10** “Erseqinak, uangaagama illit Guutit. Nakussatsippakkit ikiorlutillu, assannik ajugaasartumik najummivakkit.”
- ☐ **Matthæusi 6:34** “Aqagussa-q isumakuluutigeqinasiuk; aqagussaq nammineq pimi-nik isumakuluutissaqassaaq. Ullup suugaluartulluunniit er-loqinartua ullormut naammatarpoq.”
- ☐ **Filippimiut 4:6, 7** “Sumilluunniit isumakuluuteqarna-veeritsi, kissaatigisasili qanoq ittukkulluunniit Guutimut saq-qummiuttarsigit qinullusi tor-lulallusilu qujallusilu. Taava eqqissinerup Guutimit pisup siuneqassusernit tamanit annerungaartup uummatisi eqqarsaatisilu sernigissavai Kristusi-Jiisusimi.”
- ☐ **1 Petrusi 5:7** ‘Isumakuluutisi tamaasa [Jehovamut] pisissig-it isumassormasi.’



NIKALLUNGATILLUNI, ISUMALLUAN- NGITSILLUNI ALIASUTSILLUNILUUNNIIT

- ☐ **Tussiaat 34:19** “Naalakkap qanippai sequmissimasumik uummatillit, annaattarpai ase-rortersimasumik anersaallit.”
- ☐ **Tussiaat 46:2** “Guuti tassa qimarnguffipput nakuussuter-pullu, tamatigut ikiuiserput annikilliornartuni.”
- ☐ **Saqqummersitat 21:4** [Jehovap] qullit tamaasa isaan-nit allarterumaarpai, toqulu peerukkumaarpoq, aliasutto-qarunnaarlunilu nilliasoqa-runnaarlunilu anniartoqarun-naassaaq siulliit peermata.’



IMA MISIGITILLUNI:

(Misigissuseq qulaani ilanngunne-qanngitsoq suussusersiguk).

Allassimaffiit suut misigissutsip tamatuma anigornissaanut iluaqutigisinnaavigit?

5 IMMINUT ANGUNIAGASSIGIT

Siullermik kiinaq misigissutsumik aqukkuminaatsumik ersersitsisoq titartaruk. Taava misigissutsumik misigerusutannik ersersitsisoq titartaruk.



Taava anguniakkat anguniarlugu iliuseriniakkat allaatigiuk.

Tulliani misigissuseq
una misigigukku:



Ima iliornanga:



Ima iliussaanga:

